

¡BOMBA!

Este año es una lata,
todo parece imprevisto:
en coma *La Corcholata*.
Habrá más, lo tengo visto.



K'uintsil

Edición de fin de semana, del viernes 12 al domingo 14 de noviembre de 2021

CAMPECHE · YUCATÁN · QUINTANA ROO · AÑO 7 · NÚMERO 1610 · www.lajornadamaya.mx



U KUXTALIL K'ÁAK'NÁAB: *COPIDASTER CAVERNICOLA*

BA'ALCHE' SÍIJ ICHIL U JA'ILO'OB COZUMEL

Tu petenil Cozumele' yaan juntúul u jejeláasil u yeek'il K'áak'náabe' *Copidaster cavernicola* u K'aaba', chéen ichil u yáaktunil El Aerolito ku yantal, beey tu ya'alaj j biologóo marino Fernando Calderón Gutiérrez, máax tu ya'alaje' yaan ofiuero, *Ophioneis commutabilis*, uláak' juntúul ti' le ba'alche'oba' óoli' je'el bix le yáaxo', ba'ale' u yooke' maas ya'ab u wúuts'ul.

Calderón Gutiérrez tu ya'alaje' ts'o'ok u yila'al yéetel u yáantajil mikroskopya elektroonika beyxan yéetel jeneetikae', ka'ap'éeel u jejeláasil le ba'alche'a'. Ma' juntakáalilo'obi'. Ts'o'okole' ya'abach juntéenake', mix táan u paktá'alo'ob tumen éespeleobiología tumen ma' táan u sa'atal u boonil, je'el bix suuk u yúuchul yéetel uláak' ba'alche'ob yaan ich áaktúun.

"Le je'elo'oba' ba'alche'ob ma' seen úuch ku yantaló'obi', le beetik ma' K'éexek u wíinkilal je'el bix uláak' ba'alche'ob yaan ich áaktun", tu ya'alaj. Kex yaan uláak' u yeek'ilo'ob K'áak'náabe', ts'o'ok u yila'ale' ma' jump'éeelilo'obi'.

U boonil eek'o'obe', ol chak, ts'o'okole' yaan u t'o'olilo'ob óol saktak. Jo'op'éeel u k'ab yaan yéetel u piimile', je'el bix u polokil u na'il u yaalil u k'ab wíinik. U ya'abile', ku nojochtal ichil 30 yéetel 40 seentimetróos. Ofiueroe', yaan jayp'éeel jela'an ba'al ti', je'el bix, tu chúmukile', kanti'its amay yaan ti' yéetel óoli' jump'éeel sentiimetróo ku p'isik; u k'abe' chowak ba'ale' bek'ech, yéetel ichil ka'ap'éeel yéetel óoxp'éeel milimeetróos u piimil.

ROSARIO RUIZ

OOCHEL FERNANDO CALDERÓN GUTIÉRREZ